

## 1862年6月7日台南地震

### 沈葆楨等奏報嘉義縣城隍神請加封號摺(同治13年十二月初5，1875年1月12日)

奏 沈葆楨等 嘉義縣城隍神請加封號由

奏為廟神靈顯迭著，籲懇敕加封號，以順輿情；恭摺仰祈聖鑒事。竊據前署嘉義縣、現任台灣縣知縣白鸞卿詳稱：嘉義縣舊祀城隍尊神，禱雨祈晴，久昭靈應；其最著者同治元年彰化戴逆倡亂，圍撲嘉城，紳士等恭請神位于城樓，虔誠籲禱，五月十一夜，地忽大震，雉堞傾頽而城垣無恙，兵民得以保全，咸稱神佑；九月間戴逆復撲嘉城，眾心驚慌，告廟敬占休咎，蒙神默示平安，人心遂定，兵民竭力誓守，復保危城；此皆該令署事任內所目擊者。據紳民陳熙年等僉稟前來，伏懇奏請敕加封號，以答垂庥等因；並經臺灣道夏獻綸核詳無異。臣等伏查廟祀正神，實能禦災捍患，有功於民，例得請加封號；今嘉義縣城隍神保護城池，迭著靈應，洵為功在生民，允宜上邀褒寵。合無仰懇天恩俯准，敕加封號，以順輿情，而昭靈貺。恭摺具陳，伏乞皇上聖鑒訓示。再，此摺係臣葆楨主稿，合併聲明。謹奏

光緒元年正月初十日軍機大臣奉

會禮部議奏 欽此

同治十五年十二月初五日